



THE DAYBREAK.

"Wankantanhan Anpao kin hiyounhipi."—Luke 1. 78.

Vol. XXVIII—No. 10

FOREST CITY, SO. DAK., APRIL-MAY, 1914

Wokajupu 50 Cents

Missionary District of So. Dakota,

Office of the Bishop,

Sioux Falls, S. Dakota.

March 12, 1914.

The annual convocation of the Missionary District of South Dakota is hereby called to meet at Christ Church, in the city of Lead, South Dakota, on Saturday afternoon, May 23, 1914, at three o'clock.

GEO. BILLER, JR.

Bishop of South Dakota

Sioux Falls, S. Dak.,

March 12, 1914.

South Dakota Yewicasipi obaspe kin on Convocation omaka iyom econpi kin he tokata Léau otowé (He Sapata) kin el May 23, owankayujaja anpetu kin, wicokan sanpa, mazaškanškan oape yamni canna, eyotankin kta e le eciyatanhan wicakicopi.

GEO. BILLER, JR.,

Bishop of South Dakota

ABLEZA PO!

St. Andrew Sunkakiciyapi kin.

Niobrara Deanery okaspe kin he ołdateya St. Andrew Sunkakiciyapi Provincial Chapter un kin he tokata June 13, 14, 15, 16, 1914, anpetu hena en Yankton Reserve, Chapel of the Holy Name okna Omniciye iakenonpa kin he econpi kta. Omniciye token ocon qa taku tona iwokdakapi kte cin ecan Anpao kin el yaotaninpi kte.

E. Ashley,

Itancan

Rev. Dr. Ashley tokel omani kin.

Lebantu kin Rev. Dr. Ashley, Hohwoju makobašpe kin hecegla awanyakin kta eša, isakib Niobrara Deanery el General Missionary (Lakota egna iyaza omani) kta yuštampi.

He ognayan bekta Feb. 17 qonhan Oacoma, S.D., ekta hi na hel Rev. L. C. Walker itkokipe na hetanhan, Tatanka wakpala ekta hipi. Oyate el unpi kin ehanna Kulwicaša oyanke ekta unpi tka Sicangu makoce ekta yapi, na Mr. Walker nabašcin awanwicayake.

Hel unkakpazapi na oyate ob waceunkiyapi na ob wounglakapi.

Iyohakab ake Oacoma ekta unglapi na hel unkiyunkapi, na ihinhanna kin mazacanku unkopapi na Reliance el unhipi na hetanhan Kulwicaša Owakpamni ekta unhipi.

Hehan Feb. 20 Messiah Chapel ekta unhipi na oyate kin ob waceunkiyapi.

Feb. 21 St. Albans Chapel el unyanpi, na lila tateyanpa eša oyate tanyan wacekiye hipi. Hetanhan unglapi na Mr. Walker ti ekta unglipi.

Feb. 22 Anpetu Wakan kin lila icauma na waibobla keš tona okihini wacekiya hipi.

Wicokan sanpa Oiyuwega el okpe mahipi kta ošiceca kin on okihipi šni, tka ihinhanna Mr. Albert Ołbo hiyomahi na Conkicakse ekta Mr. Burt ti kin el amabi. Ekta wicawai kin iyuškinpi ca anpetu kin he okolakiciye on na wicohan tawa kin on wounglakapi.

Feb. 24 Christ Church el waceunkiyapi na wicota hipi. Wicokan sanpa St. John Baptist ekta unyanpi na hel unkiyunkapi. Mr. McBride tawicu kici tanyan unkuwapi cankel iyounkipi. Hinhanna Caliota Wednesday, St. Peters etanhan na St. John Baptist nopin kaska wacekiye hipi. Oksan—tanhan tanyan hipi ca oiyokipiya waceunkiyapi. Feb. 26 wagle, na tiyata takuku bluštan na March 1 kin St. Johns el waceunkiyapi na Wotapi wakan wicawaqu.

March 4 ake iblable na Avon, S. D. ekta wai—March 5 Rev. G. Lawrence okpemahi na Chapel of the Holy Name, Ibantkonwan makocē el wai. Hel Mr. Flockhart itkomakipe, na Tipi Wakan el wicota ob waceunkiyapi. Oyate kin he lila blehecapi cankel wowaši econpi, na mazaska mpayanpi kin na owicakiciyapi kin on Tipi Wakan wašte teca cement blocks on kagapi yuhapi, na wanunyakapi kin lila oiyokipi hea. Waceunkiyapi ohakab Winyan Omniciye tanyan unkuwapi na wounqupi, ohakab Mr. Lawrence Kici Avon ekta unyanpi na maza canku ogna Lake Andes ekta

unhipi na hel unkiyunkapi. Ihinhanna yunkan Mr. Thomas Hunter unkiupi na St. Philips Chapel, Magaska oyanke ekta unkahipi. Oyate oksantan wicota wacekiye hipi canke lila tanyan. Ohakab Winyan Omniciye hel unpi kin tanyan woulnkiyapi iyohakab Mr. John Rondell owakpamni ekta unkiyapi.

March 8 Anpetu Wakan kin Church of the Holy Fellowship el hihanna na wicokan sanpa Lakota ia waceunkiyapi, na itayetu kin Wašicun ia waceunkiyapi. Oyasin el wicotapi cankel wowiūškin heca, na oyate icante waštepi cankel Mr. Felix Brunot canku ogna woyusote kin on mazaska šakpe, na B. S. A. mazaska nom sanpa okise on wawokiyapi na on wopila ewicunkiyapi.

March 9 Wagner ekta amayanpi na hetanhan maza canku ogna Makatipi ekta wai, na Murdo el wai na hetanhan Makazite ciqala. Ooenonpa wicoti qon ekta wai.

March 11 Mr. Clay Y. Eagle ikoyagwicaye ca Oak Creek, Calvary Chapel, Mr. Lambert hel ti kin ekta amai. Oyanke kin le el anpetu nom isanpa ekta waun na anpetu iyobila hihanna, wicokan sanpa, na itayetu Lent omaka wocekiye Mr. Clark kici ecamon—na oyate lila iyuškinpi lakaš on pilapi kin wawokiyapi wašte econpi B. C. U. el un kin canku ogna woyusote kin on mazaska zaptan kicunpi Winyan omniciye ena wamnyanpi kin napeiyunka kicunpi. Oak Creek el waun kin icunhan misun Mr. Lambert ti el waun, na iye tawicu kici tanyan makuwapi on piwicawecila.

March 14 St. Marys Owayawa ekta amaipi, na tohinni owayawa teca wanblake šni kin on nakeš wanblake cin iyomakapi. Mr. Travis tawicu kici tanyan makuwapi na wicincala hel wayawa opapi cantewašteya wamnyakapi kin on piwala, ca itayetu el ob wocekiye ecamon kin iyuškinyan wahokonwicawakiye.

March 15 hihanna hea wotapi šni itokab wotapi wakan wicawaqu, na wol unkayuštampi iyohakab Trinity Chapel ekta amaipi, na Lakota

tona oksantanhan hipi kin ob wacekiyapi ecamon, na omniciye kin expenses on mazaska wanji sam okise on wawokiyapi. Wacekiyapi kin le ohakab Mr. James Claremont imacu na Rosebud Agency Mr. Clark ti kin ekta amai. Itayetu he eban Tipi wakan el waceunkiyapi, na wašicun lakota ko opapi cankel iapi nopin on wahokonwicawakiye. Wacekiye hipi kin expenses on mazaska yamni sam mazaša ake šaglogon ou wawokiyapi. March 16 Mr. D. Parmelee iyecinka iyanke canpagmi tawa ogna Wososo wakpala etanhan hi na Mr. Clark na miye Wososo ekta unkiyapi, na iye ti kin el mayahe. Wicaša wan Mazakaga (Peter Decory) eciyapi he Valentine, Neb., ekta ta na March 17 kinhan Trinity Chapel ekta hipi kte cin on, Mr. Clark ektakiya iyaye ca miye Rev. Dallas Shaw kici Holy Innocents Chapel el wocekiye econqonpi. Mr. Decory eciyapi kin he Mr. Chas. Tackett tunkanku kin ee. Cinca otapi na oyasin Okolakiciye kin he opapi na hel wawokiyapi ecee.

Wososo ekta Lakota na wašicun kin waštepi cankel nopin cantomagnakapi, na wacekiyapi el expenses on mazaska yamni sam kašpapi yamni sam mazaša šakpe on wawokiyapi.

March 17 itayetu kin Mr. Clark ti kin ekta amaipi, na tokeša wiyawapi 20 kinhan Oglalata mnin kta.

Le cel omanani kin na ob wocekiye ecamon kin on oyate kin, na wicaša wakanpi kin iyuškinpi kin on piwala.

Pine Ridge etanhan.

St. Marys Chapel, Sand Hills el Junior Auxiliary unpi kin ogna Baptisma wicakupi wašte wanegelepi.

St. Albans Tipi wakan el Winyan Omniciye unpi kin Bishop canakaniyatanka wan on mazaska egnakapi.

St. Andrew Sunkakiciyapi kin wookibi wowapi (charter) wan kicapi.

[Continued on last page]

THE DAYBREAK.

REV. E. ASHLEY, LL. D., Editor

REV. W. HOLMES, Assoc. Editor

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 50 cents per annum and may be paid in Money Order or two cent postage stamps.

Single subscriptions for six months, 25 cents.

All subscriptions and matter for publication should be addressed to

REV. E. ASHLEY, LL. D.
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain official notices and accounts of official acts and visitations of the Bishop. It is hoped that our people will take it and circulate it.

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

Wotaniin-wašte Ayapi, On Wocekiye.

Anpetu iyohi wicokaya he cin chan heyapi kta.

Wanikiya wašte isto wacantkiye nita-wa glugal, canicipawega akan otkeyahan yann tka qon, maka akan wicaša unpi kin owasin Niye ekta etonwapi qa niwiciyapi nuuwe. AMEN.

WAKANTANKA Iyotan wašake cin, Woksapi ed Itancan kin, Woksapi Nitawa kin ed Itanipi kin nakun sanpa yewicayaši kta e onšiciya icunniciciyapi: hecel Waawanglake wicaka na wacinyepica heca iyenakeapi kin on Okodakiciye-wakan nitawa kin iyuškin kta, na Nitokiconze wašte oicago tawa kin yutankapi kta: Jesus Christ Itancanunyanpi kin eciyatanhan. AMEN.

O WAKANTANKA, tuwe wicawe wanjila on, wicaša oyate hiye cin oyasin maka kin owancaya etipi kta e wicayakage cin, na tona itehanyan naiš kiyela unpi kin, wookiye owicakiciyakin kta e Nicinca wašte nyaši qon: wicaša oyasin onilepi na iyenianpi nuuwe. Oyate kin optaye nitawa kin opewicaya ye, na Ikewicaya kin wokiconze nitawa ekta awicagli ye. Tona wicayeco kin ecela wicaluocetu, na nitokiconze kin kohanna nyakiyin kta icunniciciyapi: Jesus Christ Itancanunyanpi kin hec eciyatanhan. AMEN.

O ITANCAN, tona nupipi kin hena awicayakite caniwicayayin kta e yahi kin, na mahpiya ekta na maka akan wowašake-ataya nicupi kin, tona eonwiciyayi kin eciyatanhan, wicaša otioyohi Wotaniin Wašte kin owicakiciyakin kta e iyayapi kin, on Okodakiciye wakan Nitawa kin wocekiye eyé cin nayahon kta e icunniciciyapi. Taku wokokipe elipi kin owasin etanhan ewicayaku ye: maka puze cin wokokipe kin etanhan, mini wokokipe kin etanhan: makošica on wicate cin etanhan: šicaya wicakuwa toohitika kin etanhan: wocetungla na mahni pi etanhan: wowacinibošake na owolutaton kin etanhan: na oiyokpaza itancan iciconzapi kin owasin etanhan ewicayaku ye. Na wojupi na miniakaštanpi kin icunhan waicahye cin, Niye, O ITANCAN, uwicakiciya ye. Ikewicaya wicota hein onnawicaya ye, Christian tamakocepi kin ekta tona wowanikiye hinko tanka aktapi šni kin hena wicayuhomni ye, hecel, O Maka Wanikiya waonšila kin, Nicaje vatanpi kta na Nitokiconze u kta: Niye, Ateyapi kin na Woniya Wakan kin ob woyuonihan na wowitan luha, nuuwe, maka owihanke waninl. AMEN.

Wotapi šni Itokam Wocekiye wan.

O ITANCAN, wopila unnicupi. Woteklapi kin wolwicaya ye, na wicaša oyasin, maka sitomniyan, Wiconi Aguyapi ni un kin Mahpiya eciyatanhan hi kin he olepi na iyeyapi kta e icunniciciyapi. AMEN.

Grace Before Meals.

THANKS be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. AMEN.

XIX.-PSALMS KIN HENA CHRISTIAN KIN TOKEN IDAGYAPI KIN.

Tuktekten wicoie decekececa on woiwange kagapi ecee, "Psalms kin hena Jewish Okodakiciye wakan kin taku otakiya on išnaan iyowajapi tka toka e hena Christian Okodakiciye Wakan kin en unqonpi he?" "David qa Solomon qa Israel tawicohampi kin hena nakun unkiš debhanyanl iyounwajapi he?" "Moab, Edom, qa Philistia hena etanhan heyab unkikikeupi kta e on ceunkiyapi kta he?" "Babylon en wanyaka unqonpi he?" "Wakiyena qa Tahcaskana cinca cemuyapi kin hena wawicunyušnapi kta e yuha Itancan kin itokam unkdopi kta he?" heceken woiwange kagapi ecee.

Heon okašpe kin de en Psalms kin hena Christian kin token idagyapi kte cin he unpazopi kta awauncinpi, David qa Israel qa Moab qa Babylon, hena Christian onn kte cin ektakiya epazopi ecee, heon etanhan woawacin tona den owecihan eunknakapi kte cin hena tanyehcin en ewacannipi kinhan hehan de woiwange qeya iwankam unkowapi kin hecekececa on nagi yeniciyapi kte šni.

1st Woawacin wanji tokaheyanalcin owancaya kiksuyapi kte cin he *Jewish Okodakiciye Wakan kin he taku otakiya on tokata Christian Okodakiciye Wakan kin ikipiya wanke kte cin he Wakan-tanka iwanyag kage kin hee.* Iwanyake kin he iteowapi, qaiš oka-ge kin he tokata kin ekta hecetu kte cin hee. Iteowapi wan itokam owapi kin he owekinaš ataya tanyehcin atanin hee kte šni naceca, tka eqeš hetanhan tokata kin ekta epazo, qa taku wanjigji he hecetu kta e he kapi. Owekinaš sanpa zuzunya unkeyapi kte kinhan Jewish Okodakiciye Wakan he kahintokamiya Christian Okodakiciye Wakan kin he aohanziye. Aohanziye kin he taku yusuya wanke kin he yucankuyetonyan eunpe kin on tanknagya wanyakapi šni itokam wanyagpica kin he hee. Jewish Okodakiciye kin he on hektatanhan woyakapi tawa kin en kaškeyahan unpi kin hena etanhan iwicakikeupi keya oyakapi kin hena unyawapi qa unyuhapi, qa Mahpiyabosdata qa peta kin on hemakoskan makoce kin ekna awicayapi, qa Bdeša qa Jordan wakpa kin iyuwegapi, qa Manna, qa mini kin wowinibanyan yudwicayapi qa yatkewicayapi, qa ecen Canaan makoce kin en tinsyeh ewicaknakapi, qa makoce kin he en oyate unpi kin om kicizapi, qa oopiiciye tona ecoupi kta yanke cin hena eceken eon yukanpi, qa ecen ohanketa makoce wan Iwahowicayapi qon he ohiciyapi keya unkokiyakapi qon hena ee. Heon etanhan taku dekekececa woakiye kin denaked he iwasamkdepi, qa kahintokam aohanziya wanke kin

hena ee, unkan iš eya iyeecehecin Christian Okodakiciye wakan kin en dehan iyeecehecin hiye. Dehan kin Christ tawicowazi etanhanpi kin hena woahitani wokaške kin, qa maka kin de, qa Wakanšica kin, hena etanhan iwicakikeupi kin hena ee, qa hewoskanya makoce kin de opta watukaya manipi kin hena ee, qa Mahpiyatanhan woyute wicayupi kin hena yud manipi, qa tokapi kin om kicis manipi, qa woahitani tona nahanl cin okaptapi yanke cin hena nakun tankad elpeyapi kta kuwayuke, qa maka kin owancaya tukte etu kin owasin en Okodakiciye Wakan kin he pabosdan ekdepi kta e škanyuke, qa woohoda wocekiye ocon tawapi kin hena ayuštansniyan hecetuwanjica eon yuke cin hena ee.

Hecen-on Israel oyate kin Okodakiciye Wakan kin en token onnyanpi keya oyakapi kin hee, qa hehan oanpetu kin dehan icunhan iš Okodakiciye wakan kin token wanke cin he kici iciwandakapi kinhan nakahalcin anpetu kin de en hena owapi kin hecehecin wandaka oyakihipi kte.

2nd Owancaya Icinonpa woawacin kin he, *Moses David, qa Solomon hena onn tawapi kin hena tokata Christ token onnye kte cin he kaiyopteya onnyanpi.*

Egypt ekta wayaka unpi qonhan Moses he oyate tokawicakicihe. Pharaoh cunwintku kin he cincaya kage, qa he eciyatanhan iš iye wowijice qa wowitan ekna ni un kta cikihi tka qon hena ekiknake, qa ee iye taoyate woyaka unpi kin hena en tokawicakicihe kta e eičiknake cin hee. Dena hecon kin eciyatanhan, iš eya tuwa wan Toyanke wankantuya qa woyuonihan tawa kin hena ekiknake, qa he eciyatanhan Wakanšica kin, qa woahitani kin, qa Wiconte kin hena en kaška unqonpi kin hena etanhan unkikikeupi kta e eičiknake, qa makoce hewoskantku kin de opta yus unkayapi qa ecen mahpiyate Canaan makoce kin ekta unkaipi kta yanke cin he yuecetu e tanin.

David he iš Israel oyate kin he wapipiya oyate hea unpi kin he en tokawicakicihe, qa nakun woohiye kin en tokawicakicihe, qa Woniya kin he eciyatanhan Taku wakan awacinyan ni un kin he eciyatanhan Okodakiciye Wakan kin en token ooškiniciye kte cin hena ecen yuecetuya ewicakikide. Dena eciyatanhan iš eya Tuwa wan wowanikiye unkitawapi kin he en Akicita Itancan qa Okodakiciye Wakan kin he en Pa kin he hee, qa maka kin de en wookihi tanka wicakiciyustan qon hena he itokam kiciyuecetu e he tanin.

Solomon he iš wicašayatapi wan iyotan ksape qon he hee, qa wicaša wan wookiye yuha ni un kin heca, qa ksanyahan woawanyake tawa kin eciyatanhan Israel oyate

kin he wijicapi qa wapipiya wankantuya ewicaknake kin he hee. Dena decon kin eciyatanhan iš eya Tuwa wan Wicoksape ojuna, qa wookiye en Itancan kin qa wowaonšida wicoban tawa kin he Mniwanca ohuta qa unna ohuta kin aiyakdeya wanke cigon. He woawanyake tawa kin icunhan woniya kin he eciyatanhan he kin etanhan inyan qa on tipiwakan hea wicakage, qa oyanke wakan kin en onnyanpi kte kin hena ikipiya wicakage cigon hena he kaiyopteya woecon e he tanin.

Heon etanhan Moses, qa David, qa Solomon hena oyate en Itancanyan unpi, qa oyate tokawicakicihanpi kin henaked Christ toni kin en yuecetupi.

3d Woawacin Iciyamni kin he *Psalms kin hena onge woayate heca, qa tokata Christian Okodakiciye wakan kin ekta taku toketu kte cin hena oyakapi ecee.* Hena woyuecetu kta oyakapi hecena šni tka nakun woayate heca. Hececa canke tohni wakanheja eikeistinpina kin hena tipiwakan kin okna "Hosanna" eya hoyeyapi kta iyowinwicakiciye qonhan wowašakaga itancanpi kin hepa iyokipipi šni qonhan Psalm 8 kin en wicoie token yanke cin heon awicayupte. St. Matt. 21st 15, 16 hen wanyaka po.

Nakun Iye kin onge wicakicidapi šni, qa cetunkdapi ešaš inihanšni Psalms kin etanhan wicoie wanjigji icu, qa hena on tokata kin ekta towitan kin he token ye kte cin he oikdaka ecee. Makata wicoban wakan tawa kin he kuwayanke kin he wanna ikihunni kte kin hen ikiyena Psalm 49 hetanhan wicoie qeya icu, qa hena on Judas token knayan wicaku kte cin he oyake. St. Luke 22d 21 hen wanyaka po. Hehan Canicipawega kin akan otkeya yanke cigon hehan Psalm 22d en wicoie yanke cin hetanhan on awicakehan wotehika on iyokišniya hotanin. St. Matt. 27th 46 hen wanyaka po. Wahošiyé wakanpi kin hena Christ yuwankantupi, qa tona Iye toka-yapi kte cin hena token wohitiya škanpi kte cin Psalm 2 kin hena iyokawinliyeli oyakapi keya oyakapi e iyeunyanpi. Acts (Ohanyanpi) 4th 25 hen wanyaka po. Hehan St. Peter tohan Christ piya ikicage cigon he cajeyate cigon hehan Psalm 16 kin he en wicoie token yanke cin he ecel yuecetupi keya owicakiyake Acts (Ohanyanpi) 2d 25 hen wanyaka po. Psalm 95 kin he tokeli kapi kin he Hebrews wicowoyake 3 qa wicawoyake 4 kin hena en ecen oyakapi, qa he Mahpiyata wooziiciye makoce kin he token akitapi kta iyecetu keya oyakapi kin he hee.

Heon etanhan dehan Christian Okodakiciye Wakan kin he Psalms kin hena idagye kte cin he awicakehan ikipi kin he niyecinka wandaka oyakihipi, ecin Jewish Oko-

dakiciye Wakan kin he Christian Okodakiciye wakan kin he taku owas itokam kiciyuecetu yanke cin he tanin, Moses, qa David, qa Solombn hena tokata Christ token onnye kte cin iyayetopteya ounyanpi, qa Psalms kin hena ota tokata Christ Okodakiciye Wakan Tawa kin he token onnye kte cin he itokamya ayatapi kin hena ee.

Crow Creek, S.D., Feb. 4, 1914
Anpao kin :

Sisseton, S. D. ekta July 12, 1913 Convocation econpi kin icunhan B. C. U. Ataya omniciye kin optenyena omniciye kin eced iyotankapi qa taku econpi kin dena ee. Opapi wokajuju kdohipi kin ataya \$121.00, unkan he kiyuspapi kin unma \$61.75 kagapi qa hena Dakota wicaša wakan womnaye ed eknakapi, qa unma \$59.25 kin hena is ataya Mazaska awanyake cin icu. Hehan wiwazica mazaska \$89.75 hena nakun ataya mazaska awanyake cin icu. Hehan Rev. W. J. Cleveland (Wazi hanska) wokiksuye kicicagapi kta womnaye wan econpi he ed B. C. U. kin wawokiyin kta kdustanpi, qa wancag okawinli wapošta pazo aupi unkan \$13.55 mnayanpi, hena Mr. Chas. Tackett icu, qa woyustan kin de B. C. U. oadetka ekta iye token okihipi mnakiyapi kta, qa tokata ptayetu Oak Creek, Rosebud, S.D. ekta B. C. U. General meeting econpi kinhan mazaska kin hena kdoi pi kta kdustanpi qa enakiyapi.

Hehan Nov. 7, 8, 9, 1913 anpetu kin hena icunhan Oak Creek, Rosebud, S. D. ekta B. C. U. General meeting econpi qa ed taku econpi kin kuya owapi kin hena ee. Tokaheya Rev. David Tatiyoya wocekiye econ, hehan Rev. B. P. Lambert B. C. U. on wowahokonkiye wan wašte'eya. Hehan oyanke dena etanhan ahi: Santee, Neb.; Greenwood, S.D.; Rosebud, S.D.; Standing Rock, S. D.; Pine Ridge, S. D. etanhan. Hehan opapi wokajuju ahipi kin dena eepi: Santee Samuel Sully ahi, on opapi, \$10.75, wiwazica on \$4.00; Greenwood S. D. Ben LaGrant ahi, on opapi \$5, wiwazica on 5.00; Rosebud, Cut Meat, Railroad ahi, on opapi 22.00, wiwazica on 12.00. Rosebud, Spring Creek, Aleq. S. Pumping iye on opapi kin he kdajuju 2.00, omaka 1912, 1913 henaos on. Rosebud, Trinity Chapel, Walter Camon iye kdajuju 2.00, on opapi 1.00 qa wiwazica ed 1.00. Nakun Mr. Charlie Rec iye kdajuju, on opapi 1.00, qa wiwazica ed 1.00. Nakun George Little Eagle iye kdajuju, on opapi ed 3.00, 1911, 1912, 1914, qa wiwazica ed 3.00, 1911, 1912, 1913 omaka kin hena. Rosebud, S. D. Samuel White Eagle ahi wiwazica on 2.00; Kyle S. D. Samuel Broken Rope on opapi 3.00 ahi; Crow Creek, Rev. Dayid Tatiyopa on opapi 6.50, wiwazica on 5.50; Crow Creek, Red

Thunder oyanke etanhan wiwazica on 1.75 Rev. David Tatiyopa ahi.

Hehan Rev. Mr. Cleveland tawomnaye on mazaska kdoi pi kin dena eepi: Oak Creek, Rosebud, Jesse Ross ahi 4.25; Rosebud, Trinity Chapel, John Decory ahi 2.85; Crow Creek, Rev. Dayid Tatiyopa ahi 2.25; Wakpala, Samuel White Eagle ahi 6.75; Greenwood, Ben LaGrant ahi 2.50; Kyle, Samuel Broken Rope ahi 1.35; Crow Creek, James Williams te cin etanhan 5.00; hecen Mr. Cleveland on womnaye kin 24.95, hena Mr. Chas. Tackett icu.

Hehan on opapi mazaska ahipi kin \$63.25, unkan de kiyuspapi qa unma 31.75 he Dakota wicaša wakan tawomnaye ed eknakapi, qa unma kin 31.50 he ataya mazaska awanyake cin icu.

Hehan wiwazica mazaska ahipi kin ataya \$133.25, unkan wiwazica 25 mazaska wicau pi, otoi yohi 5.33 wicau pi.

Hehan ataya mazaska awanyake cin \$2.177.79 yuha okdaka; nakun wiwazica tamazaska 2.00 detanhan yuha iyaye, unma omaka ekta hena unma kta heon. Hehan B. C. U. ed ataya oitancanpi kin 4 years wanna bihunupi, he apiwicayapi kta iyehantu, heced wanna Itancan apiwicayapi. Rev. P. J. Deloria, Itancan kta yustanpi. Rev. David Tatiyopa, Vice President kta yustanpi. Rev. B. P. Lambert, mazaska awanyakin kta yustanpi. Homer Clark wowapi kagin kta yustanpi, John Red Hawk wowapi kaga okihe kta yustanpi. Hehan Trustee nonpapi kta wicayustanpi kin he John Decory qa Rev. Dallas Shaw hena ozapi. Ataya itancanpi kin dena ake 4-years unpi kta yustanpi.

Hehan Mr. Harry Wood face B. C. U. woope on wasipi qon nahanicin yustan shi kin he aepi kta yustanpi. Hehan wiwazica wokajuju kin he omaka 1914 imahen ake \$1.00 kta yustanpi. Hehan B. C. U. ataya mazaska kin hena tokata Oct. 1, 1914 kinhan 5 per cent aicali ya mazaska awanyake cin he ekta sdodyeyin kta, qa taku on hecetu shi se hinkda sdodye cinhan Sioux Falls ed Bank wanji he cin hen eknakin kta e Board of Trustees hecen yustanpi, qa ataya omniciye yanke cin ed mazaska awanyake cin yaotanin.

Hehan President Deloria heya, Church Boarding School for boys wan yukin kta iyececa iwokdaka, qa he awacin wicaši, hehan Mr. Oliver Prue heya, Ito Church Boarding School for boys wan yukin kta e dehan General meeting de etanhan B. C. U. okna iyayin kta e Motion pazo keya. Unkan he okna yustanpi, qa deon mazaska kicunpi kin dena eepi:

Paul Long Bull	\$ 50. 00
Oliver Prue	25. 00
Charlie Tackett	25. 00
David Darian	50. 00
Jessie Wright	50. 00
Oliyer Eagle Feather	5. 00
A. Long Pumping	10. 00
Joseph Walker	10. 00
Moses Saul	5. 00
Charlie Mare	100. 00
Samuel Sully	15. 00
Rev. Dallas Shaw	25. 00
John Red Hawk	25. 00
Homer Clark	25. 00
Samuel Howard	50. 00
Samuel White Eagle	15. 00
Ruben Spotted Eagle	25. 00
Charlie Felix	5. 00
Ben LaGrant	100. 00
Rev. Wm. Saul	25. 00
Samuel Broken Rope	200. 00
Rev. B. P. Lambert	25. 00
Rev. D. Tatiyopa	25. 00
John Decory	25. 00
George Little Eagle	10. 00
Clay Yellow Eagle	5. 00
James Broken Leg	10. 00
Matohinzi	10. 00
James Railroad	10. 00
James Wright	50. 00
Harrington B. Pipe	40. 00
Marice Jennies	25. 00
George Decory	25. 00
Jona Wamniyomni šica	5. 00
Charlie Wright	50. 00
Joseph Dog Soldier	10. 00
John Prue	20. 00
Thomas Wright	50. 00
Rev. P. J. Deloria	100. 00
Noah Wright	10. 00
Patrick Noisy Hawk	45. 00
Deacon Baker	5. 00
Jas. Necklace	5. 00

Total.....\$1,400.00

Mazaska kin dena tokata Convocation kinhan yuwitaya eunkinakakapi kta e wasab unkdepi. Hehan tuwa B. C. U. opa shi esa womnaye kin de ed opa kte cinhan hecetu undapi. Hehan B. C. U. oadetka ekta de wateca ahipi kta, qa de on oadetka otoi yohi womnaye kin econpi kta yustanpi. Hehan Mr. James Wright cinca wan Noah Wright eciyapi kin age 13 kin he B. C. U. ed opa qa wancag on opapi qa wawizica wokajuju nopin kajuju, 1913 2.00. Hehan Pine Ridge ekta Mr. George Wamniyomni ska, qa Okreek, Rosebud ed Mr. James Wright wayazanpi on wamnawicakiyapi, Mr. James Wright 5.10; Mr. Geo. Wamniyomni ska 5.13. Hehan B. C. U. adetka otoi yohi etanhan kicagapi ece kta, he on Report Blank etanhan kagapi kta qa tokata hena adetka eced wicakikpamni pi kta e yustanpi, qa Report Blank ed woiwange ece owapi kta he okna ece Report kagapi kta. Hehan General meeting kin de Expense fund womnaye wan yuha kta qa hena woyusoteyapi ece kta yustanpi, de on ena mnayanpi unkan 3.58, General Treasurer 1.00 kta e qupi, Gen. Secretary 2.58 un kta e qupi. De womnaye kin nakun oadetka owasin ekta on wamnayanpi kta qa tokata General meeting eca kdoupi ece kta yustanpi.

Hehan Bishop Biller wowaši tanka tawa kin ed mazaska etan-

han nina ounkiyapi qa yeunkiyapi kta, qa hena iye token cin kin okna idagyin kta yustanpi. De on wamnayanpi 20.00, qa Mrs. Mary Prue 6.00, qa nakun Mrs. Charlie More 50.00 heced ataya \$76.00. Bishop mazaska dena yekiyapi kta on committee kin dena eepi: Rev. B. P. Lambert, Homer Clark, Charlie Tackett.

Hehan woiwange (question) owa ahipi kin General President kin ataya wowapi kaga kin woayupte yaotaninpi kin eye ši. Reservation wan ed B. C. U. local branch tona unpi hecinhan heced cinpi kinhan Kawitaya omniciye wan yuha okihipi.

Hehan B. C. U. local Branch ekta oitancanpi kin Divorce heca shi. B. C. U. ed oicazo nica hecapi e oitancanpi kta.

Hehan B. C. U. opapi tka wokajuju kin econ shi unpi kin adetka omniciye ekta ilipewicaya okihipi e wowaške kin yanka.

Hehan White Swan ekta General meeting econpi kin ed oicazo nica heca isanpa wanjikji wocon taninyan han heca kta, B. C. U. opapi esa mazaska kajuju shi qaiš tokecincin kaškanpi esa hena tohantu wan tanyan econpi kta seca B. C. U. kin kecin awicape unyanke tka tokata iyehantu wan ed taku kin dena awicapepi ece kin enakiyapin kta.

Hehan tuwa B. C. U. opa kte cinhan tuwe kin he opa okihi eca hecinhan tanyan iwanyag opewicayapi wocon kin econpi kta.

Hehan June wiyawapi cokaya kin wahehan Santee Reserve, Neb. ekta B. C. U. General meeting kin econpi kta yustanpi.

Hehan Oak Creek, Rosebud ed mniunkiciyapi kin icunhan wicaša qa winyan wašte tona unpi kin ikduwitayapi qa tanyan ounkiyapi. Wazi tipi tanka qa teca wan nina wašte kagapi, he unqonpi. Oak Creek ed Calvary, Chapel el oyate unpi kin \$124.00 mnakiyapi qa hena on woyute unqonpi. Šunkakan awicunkipi kin tanyan tawoyute unkicicupi. Hinbanna wicoka hecin qa ktayetu iyohi Table hanska ed wodunkiyapi. Hehan dena isakib wokiksuye owote wanjikji tanka unqonpi. Mr. Joseph Black Bull tanka te cin kduonihanpi owote kicagapi wan ed unqonpi, nakun isakib wicinca wašte qa tehindapi wan Lydia Brings the pipe wayazan asni kin on Mrs. Lily Black Bull Table nob wašte owote unqupi \$77.60 on.

Hehan Oct. 12, 1913 Cecelia Little Money ta. Wiciana kin de niun icunhan den omniciye ahi kinhan iye kici den owote wicau pi kta e wasabkdepi, tka itokab ta, hececa esa owote kin he unqupi 20.00 on, tuwa owote de unqupi kin Mrs. qa Mr. John Prue hee.

Hehan Mr. James Wright nakun oksan tanhan unhipi kin iye wodunyanpi \$29.35 on. Hehan

Mr. Thomas Wright nakun kiciyuzapi owote wan nina wašte unqupi \$46.80 on.

Hehan Mrs. Julia Tackett iye hiknaku Mr. Charlie Tackett nina wayazanke cin etanhan ake tanyan akisni kin on mazaska opawinge kipiya on wodunkiyapi. Nakun kodaunyanpi nom, wanji mazaska wikeemna tom, qa unma wikeemna nom kipiya wotapi unkicagapi qa dena owasin on tanyan unkuwapi canke wopida ewicunkiyapi.

Homer Clark.

[Concluded from first page]

St. Marks Chapel el ogna Baptisma wicagupi wan Mr. John Steele egle. St. Marys Tipi Wakan Peji wakpala el nakun heca eglepi.

Christ Church Station el ehake wošna kaga ekta hi qonhan, he ehan Thos. Heartman, atkuku na hunku baptisma wicagu. Nopin waniyetu 76 isanpapi.

N. Joyner.

St. Agnes Station el etanhan.

Lake View, So. Dak.

Rev. E. Ashley, Editor of Anpao kin, Cheyenne Agency, S. D.

Mitakolakin:

Le ihukuya caje yankapi kin lena St. Agnes Station el waonspeici ciya Omniciye unpi kin eepi:

President, Alex. Long Pumpkin.

Vice-Pres. and Collector, William Yellow Robe

Treasurer, James Small Bear

Secretary, Isaac Yellow Robe

Doorkeeper, Thomas White Hat

Iyapi-awanyaka, Harry K. Cloud

Charles White Hat

John Search the Enemy

Philip Walica

White Hawk

St. Agnes Winyan Omniciye Cajepi kin:

President, Mrs. Elizabeth White Hat.

Vice President, Mrs. Alice Iron Shell

Treasurer, Mrs. Laura Yellow Robe

Secretary, Mrs. Mary Yellow Robe

Sale and keeper Sewing, Mrs. Ida Small Bear

Door keeper, Mrs. Mary Small Bear

Wannayan, Mrs. Lucy Long Pumpkin

Mrs. Agnes Cloud

" Annie White Hat

" Fannie White Hawk

" Sophia S. Miller

" Mary Search Enemy

" Mary Kill the Omaha

Lizzie White Hat

Winyan Omniciye unpi kin el wowapi kaga waun šni tka cajepi wicaweciyananin kta cinpi na heon bleotanin.

Ho mitakolapi le iwankab koškalaka na winyan cajeyankapi kin lena wanikiya tawicohan wakan kin on htanipi kta wicaklušanpi.

Wanikiya wicohan wakan okahniñ pica šni kage na he oknayan maka oyate unpi kin mani unšipi

qon, on koškalaka na winyan kin lena wana inšeya woišttime etan kiktapi na oiyoypaza wicohan kin iłpeyapi na iyoyanpi wipe koya-kapi kta na oiyoypaza wiconi wa-tešlake wan maka oyate amanipi qon inšeya koškalaka na winyan lena he oknayan manipi kta ca tawacinpi, na heon mitakolapi Christians yaunpi na wauikiya tawicohan wakan kin le el wašagya nayajinpi qon hena ouaon-yaonpi kta uncinpi na wocekiye ečapi ecan unyksuyapi kta hececa, unkan Taku wakan onšunlapi na ounkiyapi na koškalaka na winyan onšike cin lena wašagya wicohan wakan kin yuša manipi kte cin on—na wana lehantu kin ciye unyanpi wan Mr. Alex. Long Pumpkin (Helper), he unkiyopeyapi un kte na on wanikiya tawicohan wakan sutaya yus naunjinpi kta ca Rev. A. B. Clark hiyu unkiyapi na iyecece wana wocekiye woohola oknayan unkicantepi on yulicapi selececa.

Ho, mitakolapi lena hecetu na hehanl koškalaka kin le wanji on taku epe kta wacin kin he Treasurer, James Small Bear, hel. Koškalaka kin le tiwahe tawa kin Wakantanka wicala na wacinye kin hecapi.

Hekta omaka noupa he ehanl koškalaka kin le wanikiya toiye na tawicohan wakan kin he taoyate el škanpi kta na oiyoypaza wicohan on taku icage šni qon hena iłheyyab najinpi kta ca cin na ciuwicakiya na heon iye makoce wan oknayan tawa ičiya yanke qon he onšpa owacekiye makoce wicagu na wana lehantu kin taoyate qon wicohan wakan kin oknayan iyopteiciyapi kta awacinpi na škanpi. Ho, koškalaka kin le wanikiya toiye na tawicohan wakan kin cante on awacin eye lakaš maka akanl woyuha tawa qon hena wicohan wakan kin ipila šni, nakun wicaša ektakiya wicohan wašte wanjikji ecawicakicon. Tiyošpaye wan el wicaša ob on qon hena taku wanji on šicaya iyaye wicayin kta iyececa heci hena aohomni na ee taku wašte ecawicakicon kte cin hena ohini akita.

Tona hecel, Itancan Wanikiya wacinyan canteyuzapi qon hena wiconi oihanke wanica eklannapi kta ee.

Tona Anpao kin wanlakapi qon hena Iyuškinyan napeciyuzapi.

Isaac Y. Robe,

Sect'y of St. Agnes Station Society.

Bishop Biller of South Dakota recently visited the Indian mission at Crow Creek, where the Rev. H. Burt is at work. The Bishop says that Mr. Burt should be put in the very front of living American missionaries, and hopes that he may long be spared to be the friend of the Indians and the helpful, loyal adviser of his bishop. He came to South Dakota two years before the present bishop was born and Bishop Hare found him hard at work when he (the bishop) first came to the Indians.

ST. ANDREW SUNKAKICIYAPI KIN.

Niobrara Deanery okašpe kin he ođdateya, St. Andrew Sunkakiciyapi Provincial Chapter un kin he tokata June 13, 14, 15, 16, 1914, anpetu hena en Yankton Reserye, Chapter of the Holy Name okna Omniciye token oecan kte cin qa taku tona iwokdakapi kte cin dena ee.

Saturday, June 13, 1914.

7 p. m. Wocekiye. John Rondell qa James Crowfeather.
7:30 Ikiciyuskinpi woeye, Rev. John Flockhart.
Wcayupte kin, Rev. Dr. E. Ashley.
8: Kabinib hipi kin caje owacawapi kta, qa Oitancanpi kin apiwicayapi

Sunday, June 14, 1914.

10:30 a. m. Wacekiyapi kta, qa ataya Wotapi wakan icupi kte. Wowahokonkiye, Rev. Dr. E. Ashley
2:30 p. m. Wocekiye, Rev. Geo. Lawrence qa Stephen King
3:30 Wicaša wanjikji wokdakapi kta
7 Ataya wacekiyapi kta, —Wowahokonkiye, Rev. W. Holmes, Santee, Neb.
9 Tona čapi kin wicakiksuyapi on wocekiye eyapi kta

Monday, June 15.

7 a. m. Wotapi šni itokab, Wotapi wakan icupi kta
9:30 Wocekiye, Rev. Eug. St. Bull qa Daniel Fire Cloud
10:30 Report ahipi kin yawapi kta
11 WAKANTANKA anagoptanpi kin etanhan, wicaša tčkanpi kin iwaštepi kta he
11:40 Wicaša unnapı kin wicitokab, token Anpetu wakan ohoyada kta he. Andrew W. Face
12 Wotanin wašte on wocekiye eyapi kta. Rev. John Flockhart, Greenwood, S. D.
2 p. m. Odowan qa wocekiye, Rev. Geo. Lawrence, Andrus, S. D.
2:40 St. Andrew Sunkakiciyapi tašpu kin he tokae kobdaka he, Harry F. C. Woods
3:00 Wicohan qeya on oyate (Christian) iyokišidunyanpi hena tukte e he. Felix Benoist, Cherry Creek, S. D.
3:30 St. Andrew wicaša tona cinca yukanpi kin, taku onspepi kta cinpi kta iyececa he. Charles LaPlant, Timberlake, S. D.
4 St. Andrew Sunkakiciyapi owapa kin on, token awanmikdakin kta he. Thomas K. West, Flandreau, S. D.
4:30 Woiwange gais taku toktokeca
7 Ainina wocekiye (Quiet hour) Rev. L. C. Walker, Walker, Lower Brule, S. D.

Tuesday, June 16.

Wicokan šni, Wacekiyapi kta.

1:30 p. m. Iteowicawapi kta.
2 Odowan qa wocekiye, Rev. William Saul, Santee, Neb. Sunkakiciyapi kin token wacinkiciyuzapi kta iyececa he. Samuel Jones, Santee, Neb.
3 Sunkakiciyapi kin en wadinitake cinhan taku tona on iwašte e wanyakapi kta he. Clement White, Wauabay, S. D.
3:30 Sunkakiciyapi kin Chapter owasin Omaka wokajuju (50 cents) kin he wanna kdajuju wayupikapi he. Thomas Tuttle, Crow Creek, S. D.
4 Sunkakiciyapi opapi kin wanji zaniyan tka wowasi ecan šni un kinhan he token ecompica he. Rev. Joseph Goodteacher, Timberlake, S. D.
4:30 Standing Committee isnana mniciyapi kte
7 Ataya wacekiyapi kta. Wowahokonkiye, Rt. Rev. Geo. Biller, Jr., Bishop of South Dakota.

J. Goodteacher.
G. G. Lawrence.
John Rondell.
Andrew W. Face.
Stephen King.

Committee,

In the death of Bishop Scarborough of New Jersey, on March 13th, the Church lost one of her old-time missionary leaders. For twentyfour years he was an active member of the Board of Missions and retired only when the burden of infirmities, due to increasing age, compelled his doing so. Bishop Scarborough was eighty-three and had been nearly forty years in the Episcopate.

The new bishops of North Dakota and New Mexico are in their fields and at work. Both report encouragement in the outlook and large opportunities ahead for the Church.

ANPAO - KIN:

REV. E. ASHLEY, LL.D., - Editor
Rev. W. Holmes, - Assoc. "

Anpao wotanin wowapi kin wi iyohina, wiyawapi anpetu tokaheya eca wowapi tokšu kin ogna yewicakiciyapi ece. Wi akenom (one year) on kašpapi zaptan kajujupi kta.

Wi šakpe kin kašpapi nonpa sam okise. Ieupi šni itokab kdajuju kta.

Money Order, Cheyenne Agency on opetonpi na hiyumiakiyapi kta. Okihipi šni kinhan Wowapi askabyapi maqupi kta.

Tuwa wowapi kagin kta ca wowapi ska sani el owa kta.

Opetonpi kta e wowapi hiyunkiapi qaiš ed taku oyakapi kta cinpi na hiyukiapi ca, wowapi ojuha akand deced owapi kta

REV. E. ASHLEY, LL. D.
Cheyenne Agency, S. D.